



# Plata dla Ploania Antermëia Sant'Antone Abat

UNITÉ PASTORALA



**VAL BADIA**  
www.unitepastorala.org

Ploian: siur Paul Campej  
E-mail: [campei.paul@rolmail.net](mailto:campei.paul@rolmail.net)

Calonia: 0474/520012  
Siur Paul: 380 7345533

Ann A

24.09.2017 - 25. domënia ia por l'ann

n. 44

## Invidia contra bunté

📖 Is 55, 6–9 | Fil 1, 20ad–24.27a | Mt 20, 1–16a

### Dal Vangele do San Mateo:

Te chël tēmp ti à Gejù cuntè a sù discepui chēsta parabola: <sup>1</sup>Cun le rēgn dl cil éra sciöche cun n patrūn de n avëi, che s'un é jü dadoman adora demez da cíasa, a tó sō oras por súa vigna. <sup>2</sup>Al é gnü a öna cun i oras sön un n denar al dé y al i à condüt te súa vigna. <sup>3</sup>Dala terza ora él indô jü söl marcé, y n'à odü d'atri dailò che n'à degun laûr. <sup>4</sup>Al ti à dit: Jide incé os te mia vigna! I ves darà cí che é iüst. <sup>5</sup>Y ai é jüs. Dala sesta ora y dala nona ora é le patrūn dl avëi indô jü söl marcé y à fat le medemo. <sup>6</sup>Canch'al é jü dala önejima ora cíamò n iade, n'al indô urté de chi che stô dailò incërch. Al ti à dit: Cí stëise pa döt le dé incërch a ne fà nia? <sup>7</sup>Ai à respognü: Al n'é stè degügn che s'à tut sō. Dailò ti à dit: Jide incé os te mia vigna. <sup>8</sup>Canch'al é gnü da sëra, à le patrūn dla vigna dit a so aministradù: Chërda i oras y paii fora le paiamënt, meton man dal ultimo cína al pröm. <sup>9</sup>Al gnô chi che é gnüs tué sō dala önejima ora, y vignun à ciafè n denar. <sup>10</sup>Canch'al é rové pro i pröms, minâ chisc de ciafè deplü. Mo incé chi à mâ ciafè n denar porom. <sup>11</sup>Dailò ài metü man da se lascè sō contra le patrūn <sup>12</sup>y dijô: Chisc ultimi à mâ laurè öna n'ora, y tö i as tratè anfat sciöche nos; nos deperpo ùn soportè döt le dé le pëis dl laûr y le cialt.



## Zuspruch

AM SONNTAG

### 25. Sonntag im Jahreskreis A

Die Heiligung von der Sünde des Neides und der Eifersucht besteht darin, Zufriedenheit in Gott zu finden.

*Jerry Bridges*

📖 Letöres dla 26. domënia ia por l'ann:  
Ez 18, 25–28 | Fil 2, 1–11 | Mt 21, 28–32

**Edema liturgica dai 24.09. ai 01.10.2017**

<b>2017</b>	<b>Ora</b>	<b>Mëssa</b>
<b>25<sup>a</sup> DOMËNIA 24.09</b> <i>oferta por la dlijia</i>	<b>9.30</b> <b>10.00</b>	<b>Corona</b> <b>Gran Mëssa por la comunité</b> a onur de s. Padre Pio families Agreiter, Tru aniv. Tarina Flenger
<b>LÖNESC 25.09</b> <i>s. Nikolaus von Flüe</i>	<b>7.25</b>	<b>s. Mëssa</b> + siur Heinrich
<b>MERTESC 26.09</b> <i>ss. Cosmas y Damian</i>		
<b>MERCUI 27.09</b> <i>s. Vinzent de Paul</i>	<b>7.25</b>	<b>s. Mëssa di scolari</b> ++ Pire y Maria Irsara, Ciampidel
<b>JÖBIA 28.09</b>		
<b>VËNDRES 29.09</b> <i>s. Michil, Gabriel, Rafael arcangeli</i>	<b>7.25</b>	<b>s. Mëssa</b> + Guido Rindler
<b>SABEDA 30.09</b> <i>s. Iarone</i>	<b>18.30</b>	<b>s. Mëssa prefestia</b> + Amalia Erlacher
<b>26<sup>a</sup> DOMËNIA 1.10</b> <i>Domënia dl Rosare oferta por la dlijia</i>	<b>9.30</b> <b>10.00</b>	<b>Corona</b> <b>Gran Mëssa por la comunité</b> a onur de s. Maria families Kircher, Mozl ++ Iule y Sepl Chizzali



## Informaziuns y terminns

**VIJITA PASTORALA:** Le Vesco Ivo Muser vijitarà vigni ploania; dailò sarale na Messa solena y dedô incuntada cun düc. Implü sarál incuntades cun categories desvalies a nivel de valada. Gnareis informà. I inviëii düc bele danfora da se reservé le tēmp. **Antermeia: sabeda ai 25 de november dales 18.00 - Rina: domenia ai 26 de november dales 9.00**

*le ploan*

Les Uniuns di Èi da San Martin y Lungiarü inviëia düc i èi y jogn **ala prozesciun da Badia a Oies cun linternes o ciandares** en vëndres, ai 29 de setēمبر, pian ia dala dlijia de San Linert dales 19.30 (organisada dala **Uniun di Èi dla Val Badia**)

L'uniun di **seniores da San Martin de Tor y Antermeia** organiseia na **jita da d'altonn en jöbia ai 5 de otober**. I piun ia da mesa les 8 da San Martin demez por jí a Toblach a ciaré ala "Schaukäserei Drei Zinnen" olach al se gnará splighé sciöche le lat vegn lauré sö y fac vigni sort de produc. La marena sará spo a Oberwielenbach te n restaurant olach an mangia der bun y vignun pó se comané ci che ti plej deplü. Le cost a porsona por la coriera y l'entrada è de 25,00 Euro. Prenotesse anter le mertesc 3 de otober pro Alfred da Jú al 333 3654786 o pro la monia Loise Kircher 329 139 8721! Telefonede tosc i posc è limitá.

**LITES DE COMUN 2017 - I aconsiadus de comun da Antermëia** inviëia chi/chères che é stá sön lista dales lites dl 2015 a na **incuntada** en dedemesaledema, 27 de setēمبر, dales 20.00, tl salff dles uniuns por odëi co s'arjigné ca ales lites de novēمبر 2017. Sce valgügn d'atri ess interes da sté sön lista esi sambēgn bel inviá al'incuntada.

La **Ciasa de Palsa Ojöp Frëinademetz** inviëia düc ala festa por le **dé di Seniors**. S'incuntun dales 15.30h por festejé la S.Mëssa y dedo passunse en domisdé de aurela cörta cun musiga, caffè y val de duć. I s'aspetun tröc en sabeda, ai **30 de setēمبر**.

Jogn y jones de Mareo roda le monn y vëgn zoruch te nüsc raiuns con trepes cosses da cunté y esperiēzes da partí. En dedemesaledema, ai 27 de setēمبر dales 20.00 aldiarunse tla biblioteca Angelo Trebo a Al Plan na esperiēza fata tl Uganda. Franz Agreiter y Clara Igira da La Pli se cuntará deplü sora co che èi a sontí la vita te chësc stat dl Africa.

"Nosta ponsiun é ince te nostes man!" S'inviun düc/dotes a na incuntada por ciafé informaziun monüdes sura la ponsiun d'injunta **LABORFONDS**. S' aspetun en mertesc, ai 03 de totber dales 15.00h tla entrada dla Ciasa de Palsa.

**Museum Ladin - I resultac d'inrescida sensazionai nüs tl Ander de Conturines**, chësc l'titul dl referat che le Prof. Christoph Spötl tēgn en vëndres ai 6 de otober dales 21.15 tla Ciasa J.B. n r Rinna a San Ciascian. Dedo pon ince vijité la mostra "Le monn demorvëia di andri dles Dolomites", che restará daverta cina ai 10 d'otober. La conferēza vëgn organisada dal Museum Ladin Ursus ladinicus en colaboraziun cun l'Ofize Parcs naturai.

**L'Camper dl Zenter Consumadusc** sarà a **Corvara**, sön plaza de Comun, n jöbia ai 28 de setëmbër 2017, dales 10:00 – 12:00 (danmisdé) y a **La Ila**, sön Plaza dl Ladinia, n jöbia ai 28 de setëmbër 2017, dales 15:00- 17:00 (domisdé) Al é na bona ocajiun por s'informé, ulà, co y can che l'Sorvisc di Consumadusc pò ves daidé.

**Uniun Sport San Martin: Curs de Yoga pur mituns** cun Natalie Dalponte, che mèt man en mertesc ai 26 de setembër 2017 pur 5 iadi. Le curs vëgn tigní tres de mertesc dales 17.30 inant tla palestra da San Martin de Tor. Infos y prenotaziuns le pröm dé te palestra o al nr. 348 5198620.

**Curs de Quatic Joga** cun Natalie Dalponte, che mèt man en mertesc ai 26 de setëmbër 2017 pur 8 iadi. Le curs vëgn tigní tres de mertesc dales 20.00 inant tla palestra da San Martin de Tor. Infos y prenotaziuns le pröm dé te palestra o al nr. 348 5198620.



<b>Mësses a Rina:</b>	Dom 8.30 Dedol. 19.30 Jöb 7.25 Sab 19.30 Dom 8.30
<b>Mësses a San Martin:</b>	Dom 9.30 Dedol. 15.30 (Freina) Jöb 7.30 Sab 18.30 Dom 9.30

	25.09 - 30.09	Joel - Annika
	01.10.2017	Aron – Dominik – Marc - Devis
	30.09.2017	Carlo Piazza
	01.10.2017	Giovanna Rubatscher

**Impressum:**  
**Comunicaziuns:**  
**Download:**

Ploania Antermëia - redaziun Carlo Piazza  
cina la jöbia sëra a [carlo.piazza@hotmail.com](mailto:carlo.piazza@hotmail.com) | 0474 520044  
[www.unitepastorala.org](http://www.unitepastorala.org) | [www.comun.sanmartindetor.bz.it](http://www.comun.sanmartindetor.bz.it)